



Laerskool Eligwa



H/v Conan Doyle en Lion Cachet Strate • ☒ 11 • VANDERBIJLPARK • 1900 • ☎ (016) 933-4774 • E-pos: lseligwa@eligwa.co.za

3 September 2026

Geagte Ouers / Voogde

NUUSBRIEF NR. 11 VAN 2026

Graag bring ek die volgende onder u aandag:

1. SKOOLFONDS

Baie dankie vir die van u wat getrou u verpligtinge nakom. Skoolgeld is 'n enkele jaarlikse bedrag wat tydens die begrotingsvergadering vasgestel word. Ouers kom gewoonlik met die skool ooreen om skoolgeld in paaiemente te betaal. Hierdie is dus 'n statutêre plig wat deur ouers nagekom **moet** word. Dankie vir u begrip.

2. BEGROTINGSVERGADERING

Op Dinsdag, 22 September 2026, sal daar 'n begrotingsvergadering ten opsigte van 2027 se begroting plaasvind. Die vergadering sal om 17:30 'n aanvang neem. U teenwoordigheid sal baie waardeer word.

3. OPLAAI VAN LEERLINGE NA SKOOL

Ons wil weer 'n beroep op u doen om asseblief u kind direk na skool op te laai. **GEEN** personeellid is na skool beskikbaar om kinders op te pas nie, omrede hulle besig is met buitemuurse aktiwiteite en vergaderings. Dit is ook nie veilig vir u kind om na skool alleen buite te wag nie. Dankie vir u begrip en samewerking.

4. TASSE EN KLERE

Ons wil graag 'n vriendelike beroep op u doen om u kinders se klere duidelik te merk. Daar word op 'n gereelde basis klere na die kantoor toe gestuur wat in die badkamers en op die terrein opgetel word. Leer ook asseblief u kinders om verantwoordelikheid vir hulle klere te aanvaar deur dit nie te laat rondlê nie. Ons wil ook 'n beroep op u doen om baie ernstig met u kinders te praat oor die hantering van hulle tasse. Kinders wat na skool vir hulle ouers wag, moet asseblief nie hul tasse buite die terrein laat en dan binne rondspeel nie. Ons het reeds 'n paar gevalle gehad van rondlopers wat die tasse neem en daarmee verdwyn. U samewerking in die verband sal waardeer word.

5. REVUE

Die leerlinge is kliphard aan die oefen vir die revue en dit beloof om sommer 'n lekker ontspannende geleentheid te wees. Kaartjies beloop R100 per stoel en dit sal plaasvind op 15, 16 en 17 September 2026. Kaartjies is reeds by die kantoor beskikbaar. Ondersteun asseblief u kind.

6. BUITEMUURSE AKTIWITEITE

Baie geluk aan die volgende leerlinge wat baie goed presteer het in hul onderskeie sportkodes:

O/9- skaakspan. (D8 weners)

O/11- skaakspan. (D8 derde plek)

O/13- skaakspan. (D8 derde plek)

Ons is voorwaar baie trots op julle.

7. OLIMPIADE

Ons leerlinge het deelgeneem aan die distrik se Olimpiades.

Esmari Theron (Gr. 5) en Fredric Floor (Gr.6) het uitsonderlik presteer in Wiskunde. Fredric gaan ook deur na die Provinsiale rondte. Baie sterkte en ons is voorwaar trots op julle.

8. JACO JACOBS

Jaco Jacobs, die bekende skrywer van kinderboeke, kom gratis vir ons leerlinge stories vertel op 10 September 2026. Daar is geen kostes verbonde nie. Daar sal op Vrydag, 11 September 2026 wel van sy boeke te koop aangebied word in die saal. Die boekpryse is vanaf R120 en op. Ondersteun hom gerus en belê in u kind se liefde vir lees.

9. RUGBYRAAI

Baie dankie vir u ondersteuning met betrekking tot die rugbyraai. Daar was 1 wenner gewees. Baie geluk aan Theo Pfahl. Geniet die prys.

10. WALTONS

Ons gaan hierdie jaar weer gebruik maak van Waltons se skryfbehoeftes bokse om dit vir ons ouers makliker te maak. Alle leerders het dus 'n lys ontvang wat u kind benodig vir die volgende akademiese jaar. Dit is werklik kwaliteitprodukte. Hoe werk dit: U neem die bestelvorm en merk af wat u benodig. Waltons verpak u bestelling in 'n netjiese boks en u kom haal dit by die skool af. U hoef dus nie van winkel tot winkel te stap om u aankope te doen nie. **Let wel : Hierdie is 'n gratis diens wat aan u gelewer word om u tyd te bespaar en seker te maak u kind het al sy benodighede vir 2027.** Die bestelvorms moet voor of op 21 September 2026 terug wees by die skool en u kan u boks by die skool kom afhaal op 6 November 2026 tussen 12:00 en 14:00. Waltons sal op 6 November 2026 self by die skool wees om die boks vir u te oorhandig. U kan Waltons op 6 November 2026 kontant of met 'n kaart betaal. Geen vooraf EFT betalings kan gedoen word nie. Die bestelvorm is in u kind se besit.

11. AFWESIGHEDE/UITTEKEN VAN LEERLINGE

Daar is te veel leerlinge wat onnodig uitgeteken word. Reël asseblief al u afsprake (bv. medies) vir na skool. (tensy dit 'n noodgeval is). Ons wil graag hê dat leer en onderrig glad verloop. Volgens die skolewet (wet 84 van 1996) is leerlinge skoolpligtig en mag nie onnodig tuis bly nie.

12. BEHEERLIGGAAMSVERKIESING

Die vergadering vir die nominasie en verkiesing van 1 ouerlid vind plaas op 21 September 2026 om 17:30 in die skoolsaal. U het reeds die inligtingsbrief rakende die verkiesing ontvang.

Eligwa groete



BD BOSHOFF
HOOF